

semper in pulcherrima vetustissimæ gentis, ex qua originem ducit, exempla animum habens; & antenatorum quidem suorum res præclare gestas annales Veneti abunde celebrant; unusque ex illis anno 1658. Supremam Ducis dignitatem adeptus est; Ipse vero Dominus Eques Franciscus, posteaquam binis vicibus munere Oratoris ad Aulam Regis Hispaniarum magna cum laude defunctus fuerat ad conspicuam Procuratoris Sancti Marci dignitatem erectus talem se gessit, ut ob eximiam, quam unice præ oculis habuit, patriæ charitatem omnium amorem, & fiduciam sibi conciliaverit, sed & litteras quoque, quæ Republicæ ornamenta sunt, tueri & magis magisque provehere summopere curæ habuit. Sacra igitur Cæsarea Regiaque Apostolica Majestas habita eorum omnium, quæ hic breviter commemorata sunt, clementissima ratione, & ut, quanti hæc faciat, publice commonstraret, Dominum Equitem Franciscum Pesaro dignitate Consilarii sui actualis intimi, seu status, exornare libenter voluit, talemque hisce clementissime denominat, volens, ac mandans ut in omnibus Regnis, ac Provinciis suis hereditariis Consiliarius suus actualis intimus, seu status ab omnibus salutetur, ac honoretur, juribus itidem, favoribus, prærogativis, & honoribus omnibus, quotquot excelsæ huic dignitati competere dignoscuntur, nemine

con-